



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 412
fax. +387 33 726 414
e – mail: info@voda.ba

Broj: **UP-1/21-1-40-153-7/22**
Datum: **21.06.2022. godine**

«Agencija za vodno područje rijeke Save» Sarajevo rješavajući po zahtjevu Općine Vogošća za izdavanje prethodne vodne saglasnosti za uređenje korita rijeke Bosne na području općine Vogošća, na osnovu člana 109. stav (1) tačka 14. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 49/99), **donosi**

RJEŠENJE **o prethodnoj vodnoj saglasnosti**

1. Podnosiocu zahtjeva, Općini Vogošća, daje se prethodna vodna saglasnost za uređenje korita rijeke Bosne na području općine Vogošća, na dionici uzvodno od mosta u naselju Svrake, u dužini cca 1500m, a u postupku pribavljanja urbanističke saglasnosti.
2. Prethodna vodna saglasnost se daje na osnovu pregleda projektne i druge dokumentacije dostavljene od strane podnosioca zahtjeva i pod slijedećim uslovima:
 - 2.1 Izraditi i revidovati investiciono-tehničku dokumentaciju na nivou glavnog projekta koja treba da je urađena od strane ovlaštenog pravnog lica i revidovana od strane drugog pravnog lica, oba sa „liste A” Ministarstva za poljoprivredu, vodoprivredu i šumarstvo, u skladu sa odredbama Pravilnika o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti („Službene novine Federacije BiH”, broj 17/08 i 38/12).
 - 2.2 Projektnom dokumentacijom treba da se obuhvati tehničko rješenje uređenja korita rijeke, a projekat između ostalog treba sadržavati:
 - Rješenje kojim će se urediti obale i korito rijeke Bosne na navedenoj dionici u cilju stabilizacije obala, korita i zaštite urbanog područja od poplava pri pojavi velikih voda ranga $Q_{1/100}$ sa eventualno potrebnim nadvišenjem;
 - Rješenje odgovarajuće obloge kosina u cilju zaštite od erozije sa potrebnim detaljima;
 - Hidraulički i hidrološki proračuni i analize koji se odnose na određivanje nivoa velikih voda ranga pojave jednom u sto godina u prirodnom i regulisanom stanju rijeke Bosne;
 - Situativni prikaz sa ucrtanom dionicom obuhvaćenom aktivnostima na uređnju korita rijeke Bosne na ažurnim geodetskim podlogama kao i uzdužnim i poprečnim profilima riječnog korita urađenim na bazi geodetskih snimanja, koja će se provesti za potrebe izrade ove projektne dokumentacije. Snimanje izvesti preko operativnog poligonog vlaka uz povezivanje sa državnim nivelmanom sa osiguranjem krajnjih tačaka poprečnih profila na terenu trajnim biljegama (uz položajni opis i nacrt), preko kojih će se vršiti kontrola realizacije ovih radova.
 - Tehnički opis rješenja, uz obrazloženje rješenja i pojašnjenje efekata izgradnje zaštitnih objekata, kao i odgovarajuće grafičke priloge uobičajene za nivo projekta za građenje;
 - Predmjer radova u okviru koga se treba utvrditi obim radova i uraditi bilans masa za materijal koji ima svoju upotrebnu i tržišnu vrijednost i koji se može dalje koristiti (pijesak, šljunak), materijal koji će se iskoristiti za radove na uređenju vodotoka i materijal koji treba ukloniti, a isti nema upotrebnu vrijednost. Bilans masa uraditi na osnovu geodetski snimljenih podloga i rezultata geomehaničkih istražnih radova. U zavisnosti od utvrđenog kvaliteta i količine materijala koji se planira izvaditi iz vodotoka, definisati mjesto njegovog odlaganja, odnosno daljeg korištenja.
 - Proračun vučnih napona u cilju određivanja načina zaštite (oblaganja) obale, krupnoće kamenog nabačaja koji će se koristiti i sl.;
 - Hidrauličke proračune na predmetnoj dionici rijeke Bosne za određivanje nivoa velikih voda u prirodnom i regulisanom stanju za različite rangove pojave uključujući i usvojeni nivo zaštite od velikih voda;
 - U projektnoj dokumentaciji dati rješenja uvođenja zaobalnih voda i ušća potoka, te broj, raspored i izgled stabilizacionih pragova, rampi i stepenica za pristup koritu i sl.;

- Prilikom definiranja normalnih profila uvažiti i uslove koji se odnose prije svega na izgrađenost obale, morfologiju terena, razvojno - plansku dokumentaciju, već izgrađene objekte zaštite od štetnog djelovanja voda na lijevoj obali Bosne, geološki sastav korita i sl.;
 - Zahvati uređenja korita moraju uvažiti postojeće imovinsko - pravne odnose i radove svesti u pojas kojim će se najmanje narušiti privatni posjedi i parcele;
 - Predmjerom radova utvrditi količine materijala (pijesak, šljunak) koje će se izvaditi prilikom izvođenja radova, a koji se može iskoristiti za radove na uređenju korita i obala rijeke Bosne, te materijala koji treba ukloniti (smeće, mulj, kruti otpad, pijesak, šljunak, šibljie i dr). Bilans masa uraditi na osnovu noveliranih geodetskih podloga;
 - Zahvati uređenja korita trebaju se uklopiti u postojeći ambijent sa minimalnim narušavanjem prirodnog stanja koristeći u rješenju prirodne materijale uz uvažavanje do sada izgrađenih zaštitnih objekata;
 - Trebaju se uvažiti zahtjevi predstavnika lokalne jedinice samouprave u dijelu koji se odnosi na uklapanje u urbanističku i prostorno – plansku dokumentaciju;
 - Projektna dokumentacija treba da bude urađena na zakonski zahtijevanom nivou za ovu vrstu radova i sadrži sve opće i tehničke elemente propisane zakonodavstvom iz ove oblasti.
3. Nakon ishodovanja Rješenja o urbanističkoj saglasnosti i Okolinskoj dozvoli od nadležnih službi, potrebno je podnijeti zahtjev za donošenje Rješenja o vodnoj saglasnosti na projektnu dokumentaciju. Pored investiciono – tehničke dokumentacije urađene u skladu sa uslovima datim u dispozitivom ovog Rješenja, podnosilac zahtjeva treba dostaviti i dokumentaciju navedenu u skladu sa članom 8. i 19. Pravilnika o sadržaju, obliku, uslovima, načinu izdavanja i čuvanja vodnih akata.

Uz zahtjev se, između ostalog, prilaže:

- Revidovana Investiciono - tehnička dokumentacija zahtijevana tačkom 2.1. ovog Rješenja,
 - Rješenje o urbanističkoj saglasnosti i okolinskoj dozvoli (ukoliko predmetna aktivnost podliježe obavezi pribavljanja iste) za predmetnu dionicu uređenja rijeke i dokaz o riješenim imovinsko – pravnim odnosima,
 - Saglasnost nadležnog udruženja sportskih ribolovaca na termine provođenja radova na predmetnom uređenju korita rijeke Bosne.
4. Ovu prethodnu vodnu saglasnost Podnosioc će koristiti u postupku dobijanja urbanističke saglasnosti i okolinske dozvole (ukoliko predmetna aktivnost podliježe obavezi pribavljanja iste) i ona definiše sve uslove koje projektna dokumentacija koja se podnosi u postupku dobijanja vodne saglasnosti i građevinske dozvole treba ispuniti sa aspekta voda u skladu sa Zakonom o vodama.
5. Prethodna vodna saglasnost se daje sa rokom važenja od 3 (tri) godine od dana pravosnažnosti ovog rješenja, u skladu sa članom 111. stav 3. Zakona o vodama.
6. Ukoliko nakon izdavanja prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, u roku utvrđenom u članu 111. stav 3. Zakona, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavjestiti ovu Agenciju, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.

O B R A Z L O Ž E N J E

Podnosioc zahtjeva, Općina Vogošća se dana 30.03.2022. godine aktom broj: 07-21-sl/22 od 17.01.2022. godine obratila ovoj Agenciji za izdavanje prethodne vodne saglasnosti za uređenje korita rijeke Bosne na području općine Vogošća, na dionici uzvodno odmosta u naselju Svrake, u dužini cca 1500m, u cilju obezbjeđenja proticajnog profila, stabilizacije obale kao i zaštite od štetnog djelovanja velikih voda.

Uz zahtjev je dostavljena i pregledana slijedeća dokumentacija:

- Ovjerena kopija uvjerenja o upisu u jedinstveni registar obveznika indirektnih poreza, broj: 04/1-17-1-UPJR/1-3229-2/21 od 16.06.2021. godine, Uprava za indirektno oporezivanje BiH,
- Ovjerena kopija uvjerenja o registraciji poreznog obveznika, Porezna uprava FBiH - Kantonalni porezni ured Sarajevo, od 25.05.2021. godine.
- Dokaz o uplaćenju upravnoj taksi u iznosu od 80,00 KM.

Nakon izvršenog uvida u dostavljeni zahtjev i priloženu dokumentaciju utvrđeno je da uz zahtjev nisu dostavljeni potrebni prilozima, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari i zatražio dopunu podneska u skladu s članom 3. i članom 19. Pravilnika o sadržaju, obliku, uvjetima, načinu izdavanja i

čuvanja vodnih akata („Službene novine Federacije BiH, broj 31/15, 55/19 i 41/20) dopisom broj: UP-1/21-1-40-153-2/22 od 27.04.2022. godine u kojem je zatraženo od podnosioca zahtjeva da isti upotpuni u roku od 7 (sedam) dana od dana urednog prijema dostavljene obavijesti. Investitor je svojim dopisom broj: 07-21-sl./22 od 09.06.2022. godine upotpunio svoj zahtjev, dana 16.06.2022. godine, traženom dokumentacijom. Ovjerena kopija rješenja o upisu u sudski registar nije dostavljena te je Podnosioac telefonskim putem obavijestio da isti ne posjeduje kao ni odluku o osnivanju.

U skladu sa članom 124. stav (1) Zakona o vodama i člana 21. Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj 31/15, 55/19 i 41/20) o zahtjevu je dana 27.04.2022. godine obaviještena javnost putem obavještenja na oglasnoj ploči «Agencije za vodno područje rijeke Save» Sarajevo, te dana 28.04.2022. u dnevnom glasilu „OSLOBOĐENJE“. U datom roku nije bilo pisanih izjašnjenja o predloženim aktivnostima iz zahtjeva. Na osnovu objave, oglašavanja u dnevnom listu „Oslobođenje“ Podnosioac je po Zaključku o visini i roku za plaćanje posebnih troškova broj: UP-1/21-1-40-153-5/22 od 16.05.2022. godine, uplatio račun broj: 1615-104000-1 dostavljen od Oslobođenje servisi d.o.o. Sarajevo.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na režim voda i prava na vode dodijeljena drugim korisnicima, podnosiocu zahtjeva su ovim vodnim aktom, u tački 2. dispozitiva rješenja, shodno odredbama Zakona o vodama i odredbama Pravilnika o sadržaju, obliku, uslovima, načinu izdavanja i čuvanja vodnih akata, propisani uslovi koje je dužan ispuniti prilikom izrade projektne dokumentacije koja će Investitoru biti potrebna u postupku pribavljanja vodne saglasnosti i odobrenja za građenje.

U provedenom postupku konstatovano je slijedeće:

- Aktivnost za koju je podnesen zahtjev za izdavanje prethodne vodne saglasnosti je uređenje korita rijeke Bosne, na dionici uzvodno od mosta u naselju Svrake, u dužini cca 1500m', općina Vogošća;
- Uređenjem korita rijeke Bosne na predmetnoj dionici obezbjeđuje se proticajni profil sa potrebnim nadvišenjem, stabilizacija obala vodotoka i sprečava štetno djelovanje voda;
- Ukupna dužina planiranog uređenja korita iznosi cca 1500 m;

Predmetno uređenje korita obrađeno je Glavnim projektom: „Uređenje korita rijeke Bosne u Vogošći na potezu od mosta u Svrakama uzvodno, u dužini od 1500m, urađen od strane „IBIS“ d.o.o. Zavidovići, septembar 2018. godine.


Na osnovu uvida u tehničku dokumentaciju utvrđeno je da se u svrhu poboljšanja hidromorfološkog stanja vodotoka, dinamike prirodnog procesa tečenja i smanjenja opasnosti od nastanka šteta od poplava i šteta nastalih erozionim procesima na predmetnoj dionici rijeke Bosne, u općini Vogošća, na osnovu člana 109. stav (1) tačka 14., a u vezi sa članom 111. Zakona o vodama («Službene novine FBiH», broj 70/06) i člana 17., stav (1), tačka 9. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH» broj 31/15), valjalo riješiti kao u dispozitivu ovog rješenja.

UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja. Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih taksi.

Voditelj postupka
Nihad Pezo, dipl.inž.građ.

**Po ovlaštenju
Rukovodilac sektora za izdavanje
vodnih akata**


Haris Ališehović, dipl.inž.građ.

- Dostaviti:
- Općina Vogošća, Jošanička 80, 71320 Vogošća;
 - ⊗ AVP Sava, ISV-vodna knjiga – ovdje;
 - Arhiva – ovdje;
 - AVP Sava – Oglasna ploča